

我於波羅奈國仙人墮處鹿野苑中轉正法

輪彼天子言世尊此波羅奈鹿野苑中文物

甚少林泉非勝然有無量諸餘城邑土地豐
饒人民殷盛園林池沼清淨可樂何故如來
於鹿野苑中而轉法輪

爾時世尊告諸天子言仁者不應作如是說

所以者何我念往昔於此波羅奈城供養六
十千億那由他諸佛如來以要言之九萬一
千拘胝諸佛皆於是處轉正法輪一切甚深
微妙之法皆從中出是故此地常爲天龍夜
叉乾闍婆羅刹等之所守護以是義故如來
於彼鹿野苑中而轉法輪

方廣大莊嚴經卷第十

王十

譚俱懸反 悅癸反 金音聲船棹下音伐
目壁熟燒也 反嘔烏吐也 霽音林霽在計
興販下反杖捶委反 輪轍軒音泰蹠也
按柳音案三謌音勘少上息

方廣大莊嚴經卷第十一

此第十一卷

鳴一

唐中天竺國沙門地婆訶羅譯

轉法輪品第二十六

爾時佛告諸比丘如來所作已辦棄捨重擔
拔煩惱根淨諸塵垢摧滅外道降伏魔軍入
佛甚深微妙之理已得知見成就十力四無
漏力

所畏十八不共一切佛法無不具足五眼清
淨觀察世間作是思惟誰應最初堪受我法
根性淳熟易可調柔於所聞義速能開悟清
淨離染薄貪瞋癡於我所說而無忽忘能令
示教不生劬勞若有所聞永無退失作是念
已觀彼外道羅摩之子聰明有智雖具煩惱

三垢微薄若聞我法速能證知彼得非想非
非想定常爲弟子演說修習今在何處以佛
眼觀見其命終已經七日時有諸天頂禮我
足而白我言世尊彼人命終經於七日如來
爲菩薩時已能先知如來有大智力其人若
不命終堪受正法復告諸比丘彼羅摩子不

聞我法遂便命終若不命終我當最初爲其說法彼若聞已即能證知

爾時世尊復作是念誰應最初堪受我法根性淳熟易可調柔於所聞法速能開悟清淨離染薄貪瞋癡於我所說而無忽忘能令示教不生劬勞若有所聞永無退失作是念已

觀彼外道阿羅邏仙聰明有智雖具煩惱三垢微薄若聞我法速能證知今爲所在以佛眼觀見其命終已經三日又於是時虛空諸天作如是言彼仙命終經於三日如來爲菩薩時已能先知如來有大智力其人若不命終堪受正法復告諸比丘彼阿羅邏不聞我法遂便命終若不命終我當最初爲其說法彼若聞已即能證知

爾時世尊復作是念誰應最初堪受我法根性淳熟易可調柔於所聞法速能開悟清淨離染薄貪瞋癡於我所說而無忽忘能令示教不生劬勞若有所聞永無退失作是念已

觀見五跋陀羅根性已熟易可調柔於所聞法必能開悟清淨離染三垢微薄於我所說聞正法復當退失我昔苦行之時謹心事我我當最初爲彼五人轉正法輪彼能了知具足施戒善法圓滿解脫現前離諸障礙即以

鳴一

二

魏

佛眼觀見五跋陀羅在波羅柰鹿野苑中佛告諸比丘爾時如來作是念已從菩提樹向迦尸園波羅柰城震動三千大千世界是時伽耶城傍有一外道名阿字婆遙見世尊即前問訊在一面立而白佛言長老瞿曇諸根恬靜端正可愛身色晃曜如闔浮金及簷波華仁者修何梵行師爲是誰從誰出家進止威儀安隱乃爾今從何來復何所往爾時世尊以偈答曰

我本無有師 世無與我等 於法自能覺證清淨無漏

阿字婆言瞿曇汝自謂是阿羅漢耶爾時世

尊重以偈答

我爲世間無上導師 當度一切是真羅漢
阿字婆言瞿曇汝自謂爲覺耶如來荅言我
於世間最爲殊勝滅除一切煩惱惡法我爲
正覺阿字婆言長老瞿曇汝於今者爲何所
往世尊答曰我今欲往波羅柰國鹿野苑中
爲諸盲冥衆生作大光明而說偈言

我往波羅柰 於鹿野苑中 爲盲冥衆生
擊甘露法鼓 轉所未曾轉 無上勝法輪
時阿字婆辭佛南行如來北逝經伽耶城城
中有龍名曰善見明日設齋奉請如來如來
食訖往盧醯多婆蘇都村次復至多羅聚落

一

三

四

言我無所識云何不度如是聖人心生憂惱
悶絕躋地良久乃蘇詣頻婆娑羅王具陳所
見王聞是事即勑船人自今已往沙門求濟
勿受價直

時五跋陀羅遙見世尊共相謂言沙門瞿曇
鉢入城乞食還至本處飲食訖詣鹿野苑中
放逸貪著不能持戒欲斷煩惱尋復退墮便
失禪定先修苦行尚無所能何況今日恣受
美食安樂而住是懈怠人明非道器我等今
者不須敬問敷置坐處汲水洗足施設飲食
一切莫爲隨其自來不應爲起彼若欲坐當
指卑座令其就坐唯阿若憍陳如不同衆心
爾時世尊漸近五人所居之處是時五人皆
自不安如鳥在籠爲火所逼比丘當知世間
衆生無有覩佛得安坐者是時五人皆違本
要不覺忽然俱起迎佛或有敷置坐具或有
汲水洗足或有提履或有持衣皆言善來長
次復經婆羅村如是遊歷皆爲長者居士奉
獻飲食次第而行至恒河邊是時河水暴集
平流彌岸世尊欲度問彼船人答言與我價
直當相濟耳爾時世尊報船人言我無價直
船人言若無價直終不相濟如來爾時飛騰
虛空達于彼岸船人見佛現是神通乃自責

老瞿曇請坐勝座爾時世尊坐彼座已五人於前禮拜問訊各在一面而白佛言長老瞿曇面目端正諸根寂靜身相光明如闍浮金及詹波華瞿曇今者應證出世聖種智耶爾時世尊語五人言汝等不應稱喚如來爲長老也令汝長夜無所利益又語五人我已證

得甘露之法我今能知向甘露道我即是佛具一切智寂靜無漏心得自在汝等須來當示汝法教授於汝汝應聽受如說修行即於現身得盡諸漏智慧明了解脫而住梵行成就所作皆辦不受後有又告五人汝昔嫌我俱作是言長老瞿曇耽著世樂不堅持戒欲

鳴一

四

魏

斷煩惱便即退墮我適近汝各自不安是故當知不得稱呼如來爲長老也五跋陀羅俱白佛言世尊我今願得於佛法中而爲沙門佛言善來比丘鬚髮自落法服著身便成沙門鬚髮長短如剃經七日威儀整肅如百臘比丘即從座起頂禮佛足懺悔先罪即於如

來爲大師想尊重瞻仰生歡喜心

爾時世尊入池澡浴浴訖復於一處靜坐思惟過去諸佛當於何座而轉法輪作是念時忽於是處有千寶座從地涌出如來爾時從本座起恭敬圍遶初三高座至第四座結跏趺坐時五跋陀羅頂禮佛足坐於佛前諸比

丘爾時世尊放大光明其光遍照三千大千世界於光明網中而說頌曰

從彼兜率宮 降生龍毗園 梵釋咸承捧威猛如師子 十方行七步 曾無迷惑心即以梵音詞 而作如是唱 我今於一切爲最尊最勝 捨轉輪王位 當利益衆生

六年苦行已 即詣菩提座 降伏諸魔軍疾成無上道 梵釋諸天衆 勸請轉法輪哀愍諸世間 默然而受請 以堅固願力向於鹿苑中 仙人所墮處 演說無上法此法無數劫 修習之所證 汝等樂聞者速應來聽受 天人身難得 佛出世甚難

魏

聞法起信心 斯人亦復難 汝不生入難
今獲人天身 值佛聞正法 而能有淨信
汝於百千劫 未曾聞正法 今者得值遇
宜應善修習

佛告諸比丘光明網中說如是偈覺悟三千
大千世界一切人天等衆汝可速來今佛出

尊轉于法輪諸天龍等聞是語已從其本宮
來詣佛所爾時地神以神通力令此道場縱
廣正等七百由旬種種莊嚴周遍清淨虛空
天神復將種種撞幡寶蓋以爲嚴飾欲界色
界諸天子等將八萬四千寶師子座置道場
中各自請言世尊哀愍我故爲坐此座轉正

法輪

諸比丘爾時東西南北四維上下十方刹土
無量拘胝諸菩薩衆宿植德本來至佛所頂
禮佛足右遶三匝合掌恭敬勸請如來轉于
法輪十方三千大千世界所有釋梵護世及
餘無量諸天子衆皆悉頂禮佛足右遶三匝

合掌向佛勸請如來轉于法輪是諸衆會咸
作是言唯願世尊利益安樂愍念諸衆生故
雨大法雨建大法幢吹大法螺擊大法鼓
佛告諸比丘尔時衆中有一菩薩名曰轉法
持衆寶輪備有千輻莊嚴綺麗不可稱比放
千光明又以華鬘寶鈴微妙繒線無量寶貝
以爲嚴飾由是菩薩先願力故感此輪生供
養如來過去諸佛皆有此輪然後轉法時彼
菩薩持是輪寶奉獻如來而說偈言
尊憶過去時 然燈佛受記 當得成正覺
號名曰牟尼 我亦於彼時 發此弘誓願
道師得成佛 當奉此輪寶 一切人天等
及諸菩薩衆 其數無有量 皆爲轉法輪
各以己神力 齋種種供具 寶臺華蓋等
窮劫說不盡 三千大千界 天人阿脩羅
諸龍神衆等 感悉一心請
佛告諸比丘如來於初夜時默然而過於中
夜分安慰大衆令生歡喜至後夜已喚五跋

魏

陀羅而告之言汝等應知出家之人有二種障何等爲二一者心著欲境而不能離是下劣人無識凡愚非聖所行不應道理非解脫因非離欲因非神通因非成佛因非涅槃因二者不正思惟自苦其身而求出離過現未來皆受苦報比丘汝等當捨如是二邊我今爲汝說於中道汝應諦聽常勤修習何謂中道正見正思惟正語正業正命正精進正念正定如是八法名爲中道

佛語諸比丘有四聖諦何等爲四所謂苦諦苦集諦苦滅諦證苦滅道諦比丘何等名爲苦聖諦所謂生苦老苦病苦死苦愛別離苦怨憎會苦求不得苦五盛蘊苦如是名爲苦聖諦何等名爲苦集聖諦所謂愛取有喜與貪俱希求勝樂如是名爲苦集聖諦何等名爲苦滅聖諦所謂愛取有喜與貪俱希求勝樂盡此一切如是名爲苦滅聖諦何等名爲證苦滅聖道諦即八聖道所謂正見乃至正

定此即名爲證苦滅聖道諦復告比丘如是苦法我先不從他聞由善隨順如理思惟生智生眼生明生遍生慧生光比丘如是苦集法我先不從他聞由善隨順如理思惟生智生眼生明生遍生慧生光比丘如是苦集滅法我先不從他聞由善隨順如理思惟生智魏十
鴻一

生眼生明生偏生慧生光比丘如是苦滅證道我先不從他聞由善隨順如理思惟生智生眼生明生遍生慧生光復告比丘苦應知集應斷滅應證道應修如是四法我先不從他聞由善隨順如理思惟生智生眼生明生遍生慧生光復告比丘我已知苦已斷集已證滅已修道如是四法我先不從他聞由善隨順如理思惟生智生眼生明生遍生慧生光復告比丘我先未見四聖諦未得阿耨多羅三藐三菩提時正智未生我從證見四聖諦法輪已心得解脫慧得解脫不復退失而以正智得阿耨多羅三藐三菩提我生已盡

梵行已立所作已辦不受後有

爾時世尊出梵音聲如是梵音從無量功德之所成就無量劫來修習真實不假於師自然而然悟發是妙聲語憍陳如等言眼是無常苦空無我無人無衆生無壽命猶如腐草雜土爲牆危脆不實如眼耳鼻舌身意亦復如

是憍陳如一切法從因緣生無有體性離常離斷猶如虛空雖無作者及以受者善惡之法而不敗忘憍陳如色是無常苦空無我受想行識亦復如是由愛爲水潤漬因緣衆苦增長若得聖道證見諸法體性皆空即能求滅如是衆苦憍陳如由彼分別不正思惟而生無明更無有餘爲無明因而此分別不至無明復由無明而生諸行而此無明不至諸緣觸緣受受緣愛愛緣取取緣有有緣生緣老死憂悲苦惱如是等爲世間因更無有餘能爲其因雖生諸法而因不至法竟無

我人衆生壽者捨於此身而至彼蘊如理思惟無所分別即滅無明由無明滅即行滅行滅即識滅識滅即名色滅名色滅即六處滅六處滅即觸滅觸滅即受滅受滅即愛滅愛滅即取滅取滅即有滅有滅即生滅生滅即老死憂悲苦惱滅若能如是於蘊界處了悟

鳴

八

魏

因緣尔時得成多陀阿伽度阿羅訶三藐三佛陀如是甚深微妙之法非諸異道所能了悟尔時世尊爲憍陳如三轉十二行法輪已憍陳如等皆悉了達諸法因緣漏盡意解成阿羅漢即於是時三寶出現婆伽婆爲佛寶三轉十二行法輪爲法寶五跋陀羅爲僧寶佛轉法輪時六十拘胝欲界諸天八十拘胝色界諸天八萬四千人皆悉遠塵離垢得法行乃至行緣識識緣名色名色緣六處六處

佛告諸比丘如來以妙梵之音轉于法輪其聲遍至十方佛土彼諸如來各聞三轉十二行妙梵之聲咸見世尊住波羅柰鹿野苑中

而轉法輪

是時十方諸佛皆悉默然而不說法彼土菩薩各從座起而白佛言世尊如來今者何故默然而不說法余時彼佛告諸菩薩言汝等應知釋迦如來於無量劫勤苦累德勇猛精進行菩薩道超過無量菩薩之行於娑婆世界得阿耨多羅三藐三菩提利益一切起大慈悲轉于法輪其佛梵音遍至十方無邊刹土我今聞彼說法之聲是故默然諸菩薩衆聞佛語已皆發阿耨多羅三藐三菩提心作是誓言願我當來速成佛道以無漏法眼開悟衆生同於彼佛

釋一

九

魏

尔時彌勒菩薩前白佛言世尊無量諸來大菩薩衆願聞如來轉于法輪所有功德唯願世尊略爲宣說法輪之性

佛告彌勒及諸菩薩言善男子法輪甚深不可取故法輪難見離二邊故法輪難悟離作意及不作意故法輪難知不可以識識不可

以智知故法輪不雜斷除二障方能證故法輪微妙離諸喻故法輪堅固以金剛智方能入故法輪難沮無本際故法輪無戲論離攀緣故法輪不盡無退失故法輪普遍如虛空故彌勒法輪顯示一切諸法本性寂靜不生不滅無有處所非分別非不分別到於實相昇于彼岸空無相無願無作體性清淨離諸貪欲會於真如同於法性等子實際不壞不斷無著無礙善入緣起超過二邊不在中間無能傾動契於諸佛無功用行不進不退不出不入而無所得不可言說性唯是一而入諸法是爲不二非可安立歸第一義入實相

法法界平等超過數量言語路斷心行處滅不可譬喻平等如空不離斷常不壞緣起究竟寂滅無有變易降伏衆魔摧諸外道超過生死入佛境界聖智所行辟支所證菩薩所趣諸佛咨嗟一切如來同有如是無差別法彌勒所轉法輪體性如是若有如是轉法輪

者乃名爲佛名正遍知名自然悟名法王名導師名大導師名寶主名自在名法自在名轉法名法施主名大施主名善行名圓滿名意樂滿足名說者名作者名安慰者名安隱者名勇猛者名戰勝名作光名破暗名持燈名大醫王名療世間名拔毒刺名離障智名普觀見名普觀察名普眼名普賢名普光名普門名端嚴名無所著如大地故名爲平等如須彌山王故名不動成就諸功德出過世間故名最尊達一切法故名無見頂出過世間煩惱黑暗故名明燈最極甚深難窮底故名大海一切菩提分法寶具足故名寶所無繫無著心解脫故名無染通達諸法故名不退轉利益衆生不擇處故名如風焚燒一切煩惱故名如火滌除一切分別煩惱故名如水平等法界無中無邊無礙神通慧所行故名如空除一切法障故名住無障智超過世間眼所行境故名遍一切法界身不染世間

鳴一

十

魏

一切境界故名最勝人名無量智名演說世間師名制多名出世間名不染世法名世間勝名世間自在名世間大名世間依止名到世間彼岸名世間燈名世間上名世間尊名利益世間名隨順世間名一切世間了知名世間主名世間應供名大福田名最上名無等等名無比名常真實名一切法平等住名得道名示道者名說道者名超過魔境名能摧伏魔名出生死獲得清涼名離無明黑暗名無疑惑名離煩惱名離希求名除諸見惑名解脫名清淨名離貪名離瞋名離癡名盡漏名心淨解脫名智淨解脫名宿命智名大龍名所作已辦名離重擔名逮得已利名遠離生死結縛名正智心善解脫名善到一切心自在彼岸名到施彼岸名到戒彼岸名到忍彼岸名到精進彼岸名到禪定彼岸名到智慧彼岸名願成就名住大慈名住大悲名住大喜名住大捨名精勤攝衆生名得無礙

鳴一

十一

魏

辯名與出間作大依止名大智名念慧行覺成就名得正念正斷正神足通五根五力菩提分法奢摩他毗鉢舍那名度生死大海名住彼岸名住寂靜名得安隱處名得無畏處名摧伏煩惱魔名丈夫師子名離毛堅怖畏名無垢名知者名得三明名渡四河持制多故名刹利遠離一切罪垢故名婆羅門破壞無明藏故名比丘超過染著故名沙門盡諸漏故名清淨者持十力故名大力者修身語意故名婆伽婆是法王故名王中之王名轉勝法輪名利益衆生名不變壞說法名受一切智位名成就七菩提寶名得一切法寶境界名衆會瞻仰名能調伏未調伏者名善能與諸菩薩受記名得七淨財名成辦一切樂名隨一切意悉捨名與一切衆生安樂名持金剛勝智名普遍眼名見一切法無障礙名普智作大神通名演大法名一切世間無有獸足名光大清淨名一切世間親近者名知

衆生器名大嚴名有學無學圍達名普照名大幢王名遍光明名大光普照名無雜對諸問難名無分別名光明遍照名甚深難知難見難解般若波羅蜜光明場名大梵名寂靜威儀名成就一切勝行名持妙色名見無狀足名諸根寂靜名資糧圓滿名得調柔名得勝調柔寂靜名諸根調伏藏名如馴象王名如清淨池具足三十二相故名永斷一切習氣障具足隨好莊嚴身故名最上妙色無上丈夫調御士故名四無畏圓滿十八不共佛法故名天人師成就一切事故名身口意業無譏嫌成就一切相清淨智故名空住善能了悟諸緣起性平等故名無相住於一切願求無染著故名無願住捨離一切境界故名無功用行真如法界虛空相無相智境界故名如語不虛妄語不異語觀如幻陽燄所夢水月谷響鏡像故名捨阿蘭若舉足下足調伏衆生故名行步不空過斷除一切無明煩惱

惱愛故名法城爲涅槃因故名見聞皆益超過欲界故名出淤泥超過色界故名摧魔幢超過無色界故名建智幢是法身智身故名出過一切世間無邊功德寶智華開發成就解脫果故名大樹難值故名優曇華隨心願求皆得圓滿故名摩尼珠王成就諸業行故名手足綑綬於長夜梵行堅固護持不動故名足下有千輻輪衆相莊嚴於長夜如法供養衛護父母尊長及應供者無依怙者爲作依怙不殺命故名手足長於長夜誓不殺演說不殺功德勸諸衆生不殺救護諸衆生故名手足柔軟於長夜供養父母承事尊上應供之人以酥油潤身自手塗摩歡喜無懈名手足綑綬於長夜善能布施愛語利益同事攝受衆生故名足下安平於長夜恒常增長勝上法故名身毛右旋及以上靡於長夜如來塔所自手修營供養灑掃聞如來法身毛爲堅心生希有復爲衆生演說正法諸聞法

者心生希有故名蹲如伊尼鹿王於長夜聽聞正法受持讀誦如說修行爲他解說方便善知甚深句義於老病死苦惱衆生爲作依止演說妙法不生輕慢故名陰藏隱密於長夜恭敬沙門婆羅門布施衣服顯梵行德及顯十善自具慚愧及教他堅固修行等事故

鳴一

十三

魏

名臂膚長於長夜不惱害衆生身語意業與慈相應故名身如尼拘陀樹於長夜飲食常自知量不多不少見病者施種種湯藥於下劣衆生常生慈愍修理壞塔及營新塔怖畏衆生施其無畏故名身體柔澤於長夜供養父母師長及應供者以酥油塗身適其溫清澡浴熏香布施上妙室宅衣服飲食卧具湯藥令得安隱以香水灑掃如來塔廟又以香華幢幡寶蓋莊嚴佛塔故名真金色於長夜不惱害衆生常修慈忍勸諸衆生修行十善以金造如來形像及造塔廟或以金彩圖畫如來及以塔廟或生金末散佛形像及以塔

廟或以幢幡寶蓋莊嚴佛塔及佛形像或以衣服飲食惠施衆生故名一一毛孔一一毛生皆悉光澤分明顯現於長夜常親近智者請問何法是罪何法非罪何法可修何法不可修何法爲上何法爲中何法爲下擇其善者而修行之及掃灑佛塔故名七處高於長

夜父母及應供沙門婆羅門可遵崇者皆悉供養貧窮下賤有所希求皆隨彼意施與衣服飲食卧具湯藥又修園池林井給彼須者故名身上分如師子於長夜父母及應供處常能供養恭敬於貧窮下賤心不輕欺常生憐愍在如是等願力堅固不捨棄故名踝骨不現於長夜常自己過不訟彼短永離鬪諍身語意業恒常清淨故名兩肩平滿於長夜在沙門婆羅門生恭敬心迎來送去善解諸教得無所畏有闢訟者教令不諱又教諸王臣佐及一切衆生今修忠孝修行善業增長佛法故名師子領於長夜隨諸衆生所有樂

欲一切施與善言安慰皆令歡喜願力堅固名具四十齒於長夜不兩舌鬪諍有闢諍處和其兩邊各令歡喜故名齒不疎缺於長夜常修善事遠離惡法常施衆生乳酪及淨衣服以白土爲泥掃拭佛塔以衆白華供養佛塔具如是等功德故名齒白齊密於長夜所

寫一

十四

魏

出語言令諸衆生心生喜樂不求他過以平等心勸諸衆生演說正法故名於諸味中得最上味於長夜不惱衆生有病苦者隨其所應而療除之所求美味隨意與之心不生憒故名梵音聲於長夜不妄語不麁曠語不惡語常住慈悲喜捨四梵住處以柔軟音聲爲衆生說法皆生歡喜心故名眼青細色於長夜在父母師長常生恭敬觀一切衆生猶如一子有來求者恒起慈悲勸諸衆生觀於佛像塔廟故名眼睫如牛王於長夜心不下劣意常廣大勸諸衆生修無上法遠離顰蹙恒常微笑親近善友先言慰喻故名舌廣大於

長夜遠離一切語過恒常讚歎聲聞辟支菩薩如來及諸法師受持讀誦書寫經典爲人解脫如法修行故名肉髻無能見頂於長夜頂禮父母諸尊沙門婆羅門以香油塗其足下及爲淨髮一切來者皆以華鬘繫其頂上故名眉間白毫右旋清淨光明於長夜恒常開門大施普請衆生隨意所與亦勸衆生行如是施親近善友恒不捨棄求法重師不憚艱劬心無懈怠於聲聞緣覺菩薩如來父母師長所以種種香油然燈及造妙好端正如來形像以妙寶莊嚴又以白寶安置眉間作如來相好勸諸衆生發菩提心令修無量諸

鳴一

十五

魏

退名從智出一切身語意業隨智慧行名過現未來智障無礙名得無礙解脫名善入衆生之行名如應說法名善能超過一切音聲相彼岸名善對答一切異類音聲名迦陵頻伽聲名天鼓聲名天樂聲名地大震動聲名大海王聲名大龍王聲名大雲聲名隨諸衆生類聲名無著無礙令諸衆會生歡喜心名梵釋天王之所供養名阿脩羅緊那羅摩睺羅伽歡喜心瞻仰目不暫捨名聲聞衆之所承事名菩薩衆之所恭敬讚歎名無希求說法名說一字一句皆不唐捐名說法以時彌勒我今略說如來功德若廣說者窮劫不盡

尔時世尊欲重宣此義而說偈言

無處無戲論 無生亦無滅 體性空寂靜轉如是法輪 不出亦不入 無因亦無相一切法平等 轉如是法輪 如夢幻陽燄擇滅捨名欲行三昧不斷名精進不退名念不退名智不退名解脫不退名知見不

轉如是法輪遠離於有無
 本自不生滅轉如是法輪示諸法體性
 真如非真如及意皆不實
 眼耳鼻舌身以如是法輪
 轉如是法輪覺諸未覺者
 一切法體性我自覺知
 名曰自然人得於法自在
 知理知非理故名爲導師
 教化諸群生能到於彼岸
 為諸迷路者度之於彼岸
 故名無上師普攝諸世間
 越生死稠林故名爲寶主
 故名法自在轉於正法輪
 名師名持法名無上法主
 亦名戒願滿亦名施無畏
 亦名能降伏亦名能自解
 智慧大光明普照於一切
 爲出作醫王能除煩惱病

非法非非法
 實際非實際
 轉如是法輪
 轉如是法輪
 轉如是法輪
 無上正法輪
 如來勝功德
 身分皆微妙
 隨順於衆生
 大乘勝牟尼
 具如是威德
 體性空無思
 覺諸未覺者
 窮劫不能盡
 佛智無有邊
 名無上導師
 有三十二相
 具八十種好
 身分皆微妙
 隨順於衆生
 大乘勝牟尼
 具如是威德
 體性空無思
 覺諸未覺者
 窮劫不能盡
 佛智無有邊
 善拔諸毒箭
 方廣大莊嚴經卷第十一
 十六
 方廣大莊嚴經卷第十二
 唐中天竺國沙門地婆訶羅譯
 鳴二
 轉法輪品之餘
 爾時佛告諸比丘如來化五人竟作是念言
 優曇頻螺迦葉有大名稱與五百弟子俱國
 王奉事臣庶宗仰我當詣彼教以正法即往
 一
 占成